

皮蛇ê故事

鄭詩宗

陳太太最近chiah做a-má，心情真歡喜。有1日抱孫teh落樓梯ê時chūn，láp--1下無tú好，soah去頓lap坐。Koh來幾nā日tò手pêngê腰lóng悶痛、悶痛。I想講phah算是去閃著腰，就去oát角áhit間拳頭師hiahōichhiāuchhiāu、推推--leh，koh貼1tè糊藥á。無想講m-tāⁿ無khah好，疼顛倒愈來愈嚴重。

Iêgín-á看m是辦勢，就chhōa i去in tau熟sāiê王內科hia，hō先生看。王醫師kāi看看--leh，koh做lkóa檢查了後，kāi講可能是神經疼，開lkóa藥áhōitúg去食。

Koh過1日，陳太太ê腰，sò有幾nā粒水phā走--出來。水phā對腹tó牽到kha-chiah-phiaⁿ，tāk暝疼kahui-ui-chng，lóng無法tō入眠。這時有厝邊kāi講，he是號做皮蛇，ài趕緊醫治，無，若hōi khokui liàn，蛇纏身，無死mā半條命。

陳太太聽了真tiòh驚，隔日就照hit個厝邊所報--ê，去到1位斬蛇--êhia去hō斬。Hit個斬蛇--ê提1枝毛筆，ùn1-sut-á墨，1面念符咒，1面tī陳太太ê身軀畫幾nā撇。畫好了後，kohthèh1罐符á水behhōilim，lkóa藥草behhōitúg去choaⁿ。

M-koh陳太太ê腰猶原teh疼。水phā愈來愈chē，有êsoah開始出血puh膿。疼kahbē食bē暈。I看無法tō，就去高雄醫學院掛號看皮膚科。鄭醫師來kā看。看i疼kah直直搖頭，真艱苦ê形，kui身軀全藥草味。

鄭醫師講：「請坐，toh位無爽快？」

陳太太講：「Ah-to腰--nih疼kah勞心討命。」

鄭醫師看i皮蛇hit跡ê皮膚用藥膏糊kah烏-sô-sô，lóng發hông、puh膿，就講：「Thài會chhòngkahán-ne？Thài會拖到hiah嚴重chiah來？」

陳太太應講：「都m知影會chiah-nih嚴重，無，半暝mālòng--來。Ah，是án-chóaⁿ會án-ne？Chit-mábehán-chóaⁿ-樣khah好？」

鄭醫師講：「皮蛇tīgóan皮膚科學內底ê醫學名詞叫做“帶狀皰疹”（Tài-chōng-phàu-chín），che是lán人tī細漢ê時，染著水痘（chu），好--去了後，水痘病毒soah走入去神經節內底bih--起來，一直到人食老，iah是身體有koh樣，抵抗力khahbáiê時，chiahkohtùin神經路線thòàⁿ--出來。

「Án-ne是án-chóaⁿ皮膚會有hiah-nihchēê水phā--leh？」

「He是因爲皮膚內底有真chē細條ê神經chhng--過。這款病毒m̄-tāⁿ會傷神經，mā會害皮膚。所以1方面神經疼，另外皮膚mā會發hông、起水phā。」

「醫生--a，kám有影像人講--ê，若hō蛇tī身軀khor 1 lìn，人tiòh-ài死--a？」

「皮蛇séh 1 lìn ê情形並無chiáp看--著。有時tī 1 kóa得著嚴重病症ê人，親像癌症末期、糖尿病、換骨髓ê人ê身上會sái看--著。這款情形代表身體chiok虛，抵抗力chiok bái，隨時會因爲感染症來過往。一般人m̄知這個道理，想講是皮蛇纏身，不得了--a。其實若準kā根本ê病症治療hō好，就無問題。」

「若照先生你看，我ê病kám會koh thòⁿ--落去？」

「水phā到taⁿ jōa久--a？」

「有beh上1禮拜--a。」

「我想應該bē koh再thòⁿ--落去-a chiah tiòh。皮蛇普通講--來，水phā teh發ài 1禮拜chiah會停，然後會堅phí，lóng總ài 2禮拜，皮膚chiah會chiâu好。M̄-koh神經疼就加chiok厲害，tiāⁿ-tiāⁿ ài疼kui禮拜。有ê人疼kah kui月日，甚至到幾nā年，疼kah bē食bē困，不止á傷重。」

「Beh án-chóaⁿ治療khah好？」

「皮蛇一般講--來，是1款ka-tī會好ê毛病，kan-taⁿ需要好好á hioh-khùn，mài siuⁿ操勞，食hō飽，困hō足。另外koh食1 kóa止疼--ê kap hō神經穩定ê藥á，抹1 kóa抗生素ê藥膏就會用--得。」

「Kám是有1款皮蛇ê特效藥會sái hō病khah緊好？健保kám有准用？」

「有，m̄-koh he是用tī khah傷重ê人ê身上。可比講病毒有感染著全身軀，iah是目chui、腦部ê時，khah有需要用。這時用這號藥，健保chiah有准，m̄免ka-tī出錢。」

「水phā kám會sái kā tūh hō破？」

「M̄-thang，hō i ka-tī ta--去就好，chhòng無好有tang時會發炎。」

「這號病kám會傳染？」

「水phā tú出--來ê前幾工，會傳染hō別人，上好m̄-thang kap gín-áiah是有身ê人接觸。Chit-má應該bē--a。」

「若照你án-ne講，我ê病m̄就食kóa藥á，兼抹kóa藥膏就無問題--a？」

「是--a。這幾日好好hioh-khùn。薰kap酒m̄-thang用。我開3日止疼藥hō你食，3條藥膏hō你抹。請你3日後koh來復診。」

「醫生--oh。多謝。真 ló-lát！」